



01

Broj: 03-33-4451- 6 /2023  
Dana; 25.05.2023. godine

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
SKUPŠTINA UNSKO-SANSKOG KANTONA

PRIMLJENO:			
Općina	Broj prijave	Datum prijave	Skupština
	03-33-4451-6	25.05.2023.	

SKUPŠTINA UNSKO-SANSKOG KANTONA

PREDMET: Izvještaj o radu i finansijskom poslovanju za 2022. godinu ZU „Apoteka“ Sanski Most, dostavlja se

Na osnovu člana 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Izvještaj o radu i finansijskom poslovanju za 2022. godinu ZU „Apoteka“ Sanski Most, uz sljedeće :

### O b r a z l o Ź e n j e

Vlada Unsko-sanskog kantona je na svojoj 22. sjednici održanoj dana 23.05.2023. godine razmatrala i Zaključkom broj: 03-02-2190-258/2023, prihvatila Izvještaj o radu i finansijskom poslovanju za 2022. godinu ZU „Apoteka“ Sanski Most.

Kako je članom 2. stav (2) Odluke o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona, propisano da su javne i zdravstvene ustanove, javna preduzeća, zavodi, službe, fondovi čiji je osnivač Skupština Kantona ili tijela i lica koja imenuje, potvrđuje ili razrješava Skupština, dužni program rada i izvještaj o radu dostaviti Skupštini Kantona na način utvrđen u predmetnoj odluci u prilogu akta dostavljamo Vam na razmatranje, Izvještaj o radu i finansijskom poslovanju za 2022. godinu ZU „Apoteka“ Sanski Most, predlagača Ministarstva zdravstva, rada i socijalne politike.

S poštovanjem,

Prilog: Izvještaj o radu i finansijskom poslovanju za 2022. godinu ZU „Apoteka“ Sanski Most (4x)

Dostavljeno:  
1. Naslovu  
2. a/a

PREMIJER KANTONA  
mr.sc. Mustafa Ružnić



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva zdravstva, rada i socijalne politike, Vlada Unsko-sanskog kantona na 22. sjednici održanoj dana 23.05.2023. godine, d o n o s i :

## ZAKLJUČAK

### I

Prihvata se Izvještaj o radu i finansijskom poslovanju ZU Apoteka Sanski Most za 2022. godinu i upućuje se Skupštini Unsko-sanskog kantona na razmatranje.

### II

Ovaj Zaključak stupa na snagu danom donošenja.

Broj: 03-02-2190-258/2023  
Bihać, 23.05.2023. godine



Na osnovu člana 96. Poslovnika Skupštine Unsko-sanskog kantona („Službeni glasnik Unsko-sanskog kantona“ br.9/17), na prijedlog Vlade Unsko-sanskog kantona, Skupština Unsko-sanskog kantona, na sjednici \_\_\_\_\_ održanoj dana \_\_\_\_\_, donosi:

## ZAKLJUČAK

### I

Prihvata se Izvještaj o radu i finansijskom poslovanju ZU Apoteka Sanski Most za 2022.godinu.

### II

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: \_\_\_\_\_  
Bihać, \_\_\_\_\_

Predsjedavajući Skupštine  
Unsko-sanskog kantona

---

IZVJEŠTAJ O  
RADU I  
FINANCIJSKOM  
POSLOVANJU  
ZA 2022  
godinu

---

ZU "APOTEKA" SANSKI MOST

---

Direktor: Kovačević Indira

---

## Sadržaj

1.	LIČNA KARTA ZU „APOTEKA“ SANSKI MOST .....	2
1.1.	Lična karta institucije .....	2
1.2.	Opšti podaci ZU „Apoteka“ Sanski Most.....	2
2.	UVOD .....	3
3.	FINANCIJSKI IZVJEŠTAJI .....	4

# 1. LIČNA KARTA ZU „APOTEKA“ SANSKI MOST

## 1.1. Lična karta institucije

Naziv: ZDRAVSTVENA USTANOVA APOTEKA SANSKI MOST  
Adresa: Trg Ljiljana br.1  
Djelatnost: Izdavanje i spravljanje lijekova po recepturi pod šifrom podrazreda djelatnosti 52.31  
ID broj: 4263075110001  
Direktor: Kovačević Indira  
Upravljačka struktura: Upravni odbor  
Broj zaposlenih: 11

## 1.2. Opšti podaci ZU „Apoteka“ Sanski Most

Društvo JU „Apoteka“ Sanski Most osnovano je organizovanjem u skladu s Zakonom o ustanovama kao dio RO „Farmacije“ Prijedor ogranak „Apoteka“ Sanski Most. Javna ustanova je u državnoj svojini Rješenjem Kantonalnog Suda Bihać broj U/I-1-4/97 od 05.02.1997.godine, broj uložka 2-12 gdje je osnivač Općinsko vijeće Općine Sanski Most po općinskoj Odluci broj 01-023-89/96 od 04.09.1996.godine. Odgovorno lice za rad apoteke je Mr.ph.Sadeta Beglerbegović.

Izvršena je izmjena Rješenja u dijelu promjene naziva i osnivača, Rješenjem kantonalnog Suda u Bihaću broj U/I-53/99 od 21.04.1999.godine, broj uložka 2-12. Novim rješenjem po Odluci broj 1-1-105/98 od 08.09.1998.godine. Osnivač je Skupština USK-a, a novi naziv je Zdravstvena ustanova „Apoteka“ Sanski Most, Trg Ljiljana 1. Pravno lice se financira u skladu s ugovor s Zavodom zdravstveno osiguranja USK-a, te je odgovornost osnivača za poslovanje supsidijarno.

Društvo će djelovati pod skraćenim nazivom ZU „APOTEKA“ Sanski Most sa sjedištem u Ulici Trg Ljiljana br.1. Osnovna djelatnost društva je obavljanje farmaceutske djelatnosti saglasno čl.64 i 67 Zakona o zdravstvenoj zaštiti, odnosno promet lijekova i pomoćnih ljekovitih sredstava na malo, kao i izrada magistralnih pripravaka.

Na osnovu člana 6., 8. i 11. Zakona o standardnoj klasifikaciji djelatnosti u F BiH, društvo je razvrstano u grupu djelatnosti apoteke, izdavanje i spravljanje lijekova po recepturi pod šifrom podrazreda djelatnosti: 52.311.

Rješenjem Općinskog suda u Bihaću broj 017-0-Reg-15-000049 od 22.06.2015.godine izvršena je promjena lica ovlaštenog za zastupanje po Odluci Upravnog odbora od 04.06.2015.godine kojom je razrješena direktorica Sadeta Beglerbegović, a imenovana za v.d. direktora bez ograničenja Kovačević Indira. Istim Rješenjem je izvršeno i usklađenje djelatnosti.

ZU „APOTEKA“ Sanski Most prema evidenciji Porezne uprave Kantonalnog ureda Bihać vodi se pod djelovodnim poreznim brojem 4263075110001. Na osnovu člana 162. Zakona o upravnom postupku (Sl.Glasnik BiH br.29/02 i 12/04) i člana 12. Pravilnika o registraciji obveznika poreza na dodanu vrijednost (Sl.Glasnik BiH br.38/05 i 67/05) dodjeljeno je Uvjerenje o registraciji obveznika PDV-a pod identifikacionim brojem 263075110001.

ZU „APOTEKA“ Sanski Most obavlja djelatnost u 3 ( tri ) organizacione jedinice:

- MP 1 – Apoteka, Trg Ljiljana 1
- MP 2 – PJ Depo 1 (u prostorijama ZU Dom Zdravlja Sanski Most), Prijedorska bb
- MP 3- PJ Depo 2 Donji Kamengrad bb

Društvo se bavi prometom robe i spravljanjem lijekova isključivo iz svojih maloprodajnih objekata.

## 2. UVOD

ZU Apoteka Sanski Most je poslovala u izuzetno teškim uslovima zbog niza okolnosti, kako objektivnih tako i subjektivnih.

Tokom nekoliko godina otkako su esencijalnu listu lijekova dobile i privatne apoteke evidentirano je stalno smanjenje broja recepata izdatih na teret Fonda Zavoda zdravstvenog osiguranja USK-a, što automatski dovodi do pada prometa komercijalnih lijekova, odnosno ukupnog prihoda apoteke.

Kao što ste vjerovatno upoznati gradske apoteke, odnosno farmaceutska djelatnost je jedini segment zdravstvene zaštite koji se ne financira iz sredstava zdravstvene zaštite i potpuno smo prepušteni na milost i nemilost neloyalne konkurencije na tržištu, jer nas u svemu tretiraju kao trgovačku djelatnost a ne zdravstvenu djelatnost. To potvrđuje niz obaveza npr. plaćanje naknada turističkoj zajednici čak i za promet lijekova na esencijalnoj listi kao i druge naknade (što nam Fond ZZO USK ne refundira).

Nadalje U Sanskom Mostu ima priličan broj apoteka na postojeći broj stanovništva. ZU Apoteka Sanski Most svoju djelatnost obavlja u tri ( 3 ) organizacione jedinice pri čemu se plaćaju sve moguće obaveze: komunalnu naknadu, komunalne takse, grijanje, struju, telefon, vodu, smeće, dezinfekciju, dezinfekciju i deratizaciju, kontrolu PP aparata, kontrole hidranata, održavanje fiskalnog uređaja i održavanje poslovnih prostora gdje uvijek treba nešto mijenjat, popravljati i doradivati.

Poseban problem predstavlja parkirališni prostor koji ZU Apoteka Sanski Most ne posjeduje, što naravno značajno utiče na samo poslovanje.

**ZU Apoteka Sanski Most je u 2022. godini poslovala sa dobiti u iznosu od 173 KM. Neto dobit je rezultat velikog angažmana zaposlenih i maksimalno smanjivanje svih izdataka.**

Uzroci ovakvog malog pozitivnog poslovnog rezultata poslovanja su smanjen broj recepata i smanjenje prihoda od komercijalne prodaje u apoteci, što je osnovni faktor na koji Apoteka nikako ne može uticati.

Posebno brine činjenica da Ustanova ostvaruje gubitak po osnovu poslovnih prihoda od farmaceutske djelatnosti što je i osnova postojanja ove Ustanove. Pored toga, glavni uzrok teškoća u poslovanju je bio i način nabavke lijekova na esencijalnoj listi.

Da bi ZU Apoteka Sanski Most ubuduće mogla bolje poslovati i obavljati djelatnost na visokom profesionalnom nivou te omogućiti zaposlenima da za odgovoran i obiman posao koji rade budu i adekvatno plaćeni neophodno je da se promjeni odnos prema farmaceutske djelatnosti.

Ustanova bi trebala dobiti dio budžetskih sredstava u vidu plaćanja timova što smo do prije desetak godina imali, da dobijemo sredstva za plaćanje Upravnog odbora.

### 3. FINANCIJSKI IZVJEŠTAJI

Financijski izvještaj za 2022.godinu urađen je u skladu sa Zakonom o računovodstvu i reviziji F BiH (Sl.Novine F BiH br. 83/09) kao i Međunarodnim računovodstvenim standardima i standardima izvještavanja (MRS/MSFI).

ZU Apoteka Sanski Most nema uticaja na planiranje finansijskih sredstava iz Budžeta Unsko-sanskog kantona jer nije budžetski korisnik. Ugovorom sa Zavodom za zdravstveno osiguranje USK apoteka se financira za pružanje farmaceutskih usluga (izdavanje lijekova sa esencijalne liste). Napominjemo da promjenom načina financiranja farmaceutske djelatnosti apoteka je ostvarila manje sredstava u odnosu na prethodnu godinu.

Promet lijekova u ZU Apoteka Sanski Most za 2022.godinu iznosio je 1.604.176,07 KM

- Lijekovi na recept esencijalne liste koje financira ZZO USK iznosili su 705.454,09 KM
- Lijekovi koje plaća pacijent - komercijalni lijekovi iznosili su 898.721,98 KM

Usporedbe radi promet lijekova za 2021 godinu iznosio je ukupno 1.485.175,23 KM :

- Lijekovi na recept esencijalne liste koje finansira ZZO USK iznosio je 693.434,99 KM
- Lijekovi koje plaća pacijent –komercijalni lijekovi iznosili su 791.740,24 KM

**Ukupan ostvareni prihod Ustanove za 2022 g. iznosio je 1.533.626 KM . ( 2021 : 1.526.831 )**

Ostvareni ukupan prihod za prodaju robe i vršenje usluga u obračunskom periodu 2022.godine iznosio je 1.476.289 KM ( 2021: 1.446.389 KM ), što je u odnosu na isti period prethodne godine povećanje za 29.900 KM, odnosno za 2,07%.

U obračunskom periodu 2022.godine najveći prihodi su evidentirani na kontu 601 – Prihodi od prodaje lijekova, u iznosu od 1.289.784 KM što predstavlja 87,37 % ukupnog prihoda.Ostatak čine prihodi od farmaceutskih usluga u iznosu od 186.505 KM, odn 12,63 %.

Povećanje prihoda je pratilo i povećanje rashoda po osnovu nabavne vrijednosti prodane robe koje je za 2022 godinu iznosilo 1.120.599 KM što je u odnosu na 2021 g. smanjenje rashoda za 1.267 KM odnosno 0,11 %.

Da zaključimo, povećanje rashoda po osnovu troškova nabavke lijekova je u manjem postotku raslo od rasta prihoda za isti period što je za ovu Ustanovu dobro jer je time Ustanovu dovelo u pozitivan finansijski rezultat.

Na drugom mjestu po veličini su prihodi evidentirani na kontu 669 -- Kasa skonto odobren od dobavljača u iznosu od 57.334,13 KM ( 2021: 76.428,00 KM ) što je 3,74 % ukupnog prihoda. U odnosu na prethodnu godinu ovaj prihod je manji i to za 19.093,87 KM ili 24,98%.

**Ostvareni ukupan rashod Ustanove za 2022.godine iznosio je 1.533.453 KM. ( 2021: 1.526.061 KM )**

U odnosu na isti period prošle godine rashodi su povećani za 9.842 KM ili za 0,64%.

U ovom obračunskom periodu najveći rashodi evidentirani su na kontu 501- Nabavna vrijednost prodane robe u iznosu od 1.120.599 KM što je 73,08 % od ukupnih rashoda. U odnosu na isti period prethodne godine ovaj rashod se smanjio za 1.267 KM ili za 0,11%.

Na drugom mjestu po veličini su rashodi koji su evidentirani na kontu 52 -- Troškovi plaća i ostalih ličnih primanja u iznosu od 356.911 KM što je 23,27% ukupnih rashoda. U odnosu na isti period prethodne godine ovaj rashod ima povećanje za 13.300 KM ili 3,87%.

Na trećem mjestu po veličini su rashodi koji su evidentirani na kontu 53 -- Troškovi primljenih usluga u iznosu od 26.013 KM što je 1,69% ukupnih rashoda. U odnosu na isti period prethodne godine ovaj rashod je manji za 2.043 KM odn za 7,28%.

**Ustanova je u svom domenu učinila krajnji napor za smanjenje svih troškova unutar Ustanove kako bi se održala u ovim tržišnim uslovima uz smanjen broj uposlenih u odnosu na raniji period.**

Ukupne zalihe na dan 31.12.2022.godine su iznosile 491.075 KM što je u odnosu na stanje s početka godine (01.01.2021.godine) povećanje za 81.307 KM ili za 19,84 %.

Kratkoročna potraživanja na kontu 211 -- kupci u zemlji u u ukupnom iznosu od 68.470 KM od čega su potraživanja od ZZO USK u iznosu od 64.790 KM , te druga kratkoročna potraživanja u iznosu od 3.680 KM.

U okviru kratkoročnih obaveza koje čine ukupno 573.986 KM najznačajnije mjesto čine obaveze prema dobavljačima na dan 31.12.2022 godine u iznosu od 542.298 KM ( 94,48% ).Ovo zasigurno zabrinjava jer ugrožava tekuću likvidnost Ustanove.

Slijedom toga , ugrožene su nabavke od dobavljača a samim tim i nemogućnost obavljanja apotekarske djelatnosti i ostvarivanja prihoda.

Najveće obaveze su prema sljedećim dobavljačima:

- MGM Farm d.o.o. Kakanj u iznosu od 399.501,92 KM
- Hercegovinalijek d.o.o. Mostar u iznosu od 131.532,32 KM

Iz svega gore navedenog vidljivo je da je tekuća likvidnost narušena i prei smanjenjem poslovnih aktivnosti za naredno razdoblje. Krajnje je vrijeme da se iznadju rješenja za opstanak farmaceutske djelatnosti iz domena javne djelatnosti te apelujemo na nadležno Ministarstvo da korigira na viši nivo način finansiranja recepata esencijalne liste .

Kako bi se nastavilo nesmetano poslovanje za Ustanovu se mora iznaći način da se finansijski pomogne iz sredstava budžetske rezerve .

Izvještaj dostaviti:

- Ministarstvo zdravstva, rada i socijalne politike
- a/a

Direktor:



Kovačević Indira



ZDRAVSTVENA USTANOVA APOTEKA  
SANSKI MOST

Broj: 11/2023.

Datum: 19.04.2023.godina

Na osnovu Odluke o metodologiji i rokovima za izradu programa rada, izvještaja o radu i drugih informativnih materijala koji se upućuju Vladi i Skupštini Unsko-sanskog kantona, direktor Zdravstvene ustanove Apoteka Sanski Most podnosi:

**I Z V J E Š T A J**

O radu direktora Zdravstvene ustanove Apoteka Sanski Most za 2022.godinu

U 2022.godini direktor Zdravstvene ustanove Apoteka Sanski Most (u daljnjem tekstu: Apoteka) je obavljao Statutom Apoteke utvrđene poslove organizacije i rukovođenja što uključuje:

- Podnošenje godišnjeg Izvještaja rada i finansijskog poslovanja ZU Apoteka Sanski Most za 2021.godinu Vladi i Skupštini USK-a;
- Podnošenje Programa rada Apoteke za 2022.godinu Vladi i Skupštini USK-a;
- Zaključivanje ugovora o snabdijevanju sa dobavljačima;
- Upravljanje i kontroliranje ljudskim, materijalnim i informacijskim resursima;
- Upravljanje operacijama vezanim za proizvode i usluge;
- Planiranje i organiziranje rada Apoteke;
- Odlučivanje i provođenje odluka;
- Određivanje i realiziranje ciljeva organizacije;
- Organiziranje poslovanja, raspoređivanje poslova, delegiranje ovlaštenja, stimuliranje i sankcioniranje;
- Kontinuiran nadzor performansi i poduzimanje korektivnih akcija;
- Organizovanje internih sastanaka;
- Organiziranje godišnjeg popisa;
- Ostali kontinuirani poslovi.

DIREKTOR:

/Mr.ph.Indira Kovačević/



REMES  
Bihac

Mehmedalije Muka Dizdara 6-2  
77 000 Bihac

Tel/fax : +387 37 222 690

PDV : 263483740005

Raiffeisen Bank d.d.

1610350025840066

## ZU „APOTEKA“ SANSKI MOST

**4263075110001**

Revizija finansijskih izvještaja za  
2022.godinu

REMES D.O.O. BIHAĆ Društvo za reviziju, konsalting,  
porezno savjetovanje i dr. srodne usluge

# ZU „APOTEKA“ SANSKI MOST

## IZJAVE UPRAVE

Primatelj:  
Revizija Remes d.o.o. Bihać  
M.Maka Dizdara 6/2, 77 000 Bihać

Vama, revizorima, mi članovi Uprave ZU „APOTEKA“ SANSKI MOST zaduženi smo za sastavljanje finansijskih izvještaja dajemo slijedeće izjave:

### A. Informacije i dokazi

Informacije i dokazi koje ste od nas zahtijevali su Vam dane u potpunosti i savjesno. Kao lica zadužena za davanje ovih izjava i dokaza imenovali smo sljedeće osobe:

OSOBE ZADUŽENE ZA SARADNJU S REVIZOROM	FUNKCIJA
IME I PREZIME	KONTAKT
RUDŽBIJA SALEŠ	ŠEF RAČUNOVODSTVA

### B. Knjigovodstveni iskazi

Mi smo se pobrinuli za to da su vam knjigovodstveni iskazi poslovanja Društva u potpunosti stavljeni na raspolaganje. Ovoj dokumentaciji pripadaju upute, organizaciona dokumentacija i ostalo što pomaže u razumijevanju računovodstvenog sistema Društva.

U knjigovodstvenoj evidenciji su obuhvaćeni svi poslovni događaji koji su morali biti proknjiženi u poslovnoj 2022 godini.

Mi smo se pobrinuli za to da Vam je sva dokumentacija za koju imamo obavezu čuvanja u pisanoj ili elektronskoj formi dana na raspolaganje u roku koji je realan i razuman za Vaše razumijevanje podataka.

### C. Finansijski izvještaji

Mi, kao članovi Uprave Društva smo ispunili odgovornost za pripremanje i prezentiranje finansijskih izvještaja. Naša odgovornost je fer prezentacija finansijskog položaja i uspješnosti poslovanja Društva u skladu s Međunarodnim Standardima Finansijskog Izvještavanja (MSFI). Ova odgovornost obuhvata: utvrđivanje, uvođenje i održavanje internih kontrola važećih za sastavljanje i objektivan prikaz finansijskih izvještaja u kojima neće biti značajnih pogrešnih prikazivanja uzrokovanih prijevaram ili pogreškom; odabir i primjenu odgovarajućih računovodstvenih politika; i utvrđivanje razumnih računovodstvenih procjena primjerenih u danim okolnostima.

Vjerujemo da je finansijskim izvještajima koji su predmet revizije koju Vi obavljate prikazana sva imovina, obaveze, eventualne obaveze, rezervisanja, ukupni rashodi i ukupni prihodi, kao i sve

obavezne napomene uz finansijske izvještaje. Sve obaveze, kako predvidive tako i nepredvidive su prikazane u skladu s Međunarodnim Standardima Finansijskog Izvještavanja (MSFI).

Primjenjene metode prikazivanja pozicija u finansijskim izvještajima i njihovo vrednovanje odgovaraju zahtjevima posebnih propisa iz ove oblasti. Naš izbor i primjena metoda iskazivanja pozicija u finansijskim izvještajima i njihovog vrednovanja je primjerena. Značajne pretpostavke koje smo koristili u procjenama su primjerene, te smo ih Vama prikazali.

Za sve događaje nakon datuma finansijskih izvještaja koji su to zahtijevali prilagodili smo finansijske izvještaje i napomene uz finansijske izvještaje u skladu s Međunarodnim Standardima Finansijskog Izvještavanja (MSFI).

Izvjestili smo Vas o svim poznatim stvarnim i mogućim sudskim sporovima i zahtjevima čiji se utjecaj uzeo u obzir pri sastavljanju finansijskih izvještavanja u skladu s Međunarodnim Standardima Finansijskog Izvještavanja (MSFI).

Svi planovi i očekivanja koji mogu imati za posljedicu značajnu promjenu knjigovodstvenih vrijednosti imovine i obaveza prikazanih u finansijskim izvještajima predstavljeni su u skladu s Međunarodnim Standardima Finansijskog Izvještavanja (MSFI).

Društvo je pravni; odnosno ekonomski vlasnik imovine prikazane u finansijskim izvještajima. Sva založna i stvarna opterećenja u vezi s ovom imovinom su objavljena u skladu s Međunarodnim Standardima Finansijskog Izvještavanja (MSFI).

Mi smo se pridržavali svih dogovora koji mogu imati značajan utjecaj na finansijske izvještaje. Eventualni slučajevi nepridržavanja su Vam dani na znanje.

U protekloj godini Društvo nije koristilo niti jedan instrument naveden u prethodnom paragrafu u bilo kojoj formi.

U obzir smo uzeli sve događaje koji mogu imati utjecaj na poslovanje Društva i iz tih događaja rezultirajuće finansijske obaveze te iste objavili ili u finansijskim izvještajima ili (ako se iste ne obuhvataju u finansijskim izvještajima) naveli u dodatku uz ovu izjavu. Ako takvi navodi ili napomene nedostaju, onda takvih događaja nije bilo na datum sastavljanja finansijskih izvještaja.

### Godišnji izvještaj o poslovanju

- ✓ Mi smo odgovorni za sastavljanje godišnjeg izvještaja o poslovanju.
- ✓ Izvještaj o poslovanju sadrži sve obavezne podatke kako je propisano članom 40. Zakona o Računovodstvu i Reviziji u FBiH („Službene novine FBiH“, broj: 15/21).
- ✓ Tok poslovanja Društva i položaj Društva su predstavljeni na fer način i analizirani u Godišnjem izvještaju o poslovanju. Analiza obuhvata finansijske i nefinansijske pokazatelje uspješnosti relevantne za poslovnu aktivnost Društva u skladu s Zakonom.
- ✓ Godišnji izvještaj o poslovanju sadrži (u skladu s tačkom 42. Zakona o Računovodstvu i Reviziji u FBiH):
  - *Sve značajne događaje nastale u periodu od završetka poslovne godine do datuma predaje finansijskih izvještaja,*
  - *Procjenu očekivanog budućeg razvoja Društva,*
  - *Najvažnije aktivnosti u vezi sa istraživanjem i razvojem,*

- *Korištene financijske instrumente ako je značajno za procjenu financijskog položaja i uspješnosti poslovanja Društva,*
- *Ciljeve i politike Društva u vezi sa upravljanjem financijskim rizicima, zajedno sa politikama zaštite od rizika za svaku planiranu transakciju za koju je neophodna zaštita,*
- *Izloženost Društva cjenovnom, kreditnom, tržišnom, valutnom riziku, riziku likvidnosti i drugim rizicima prisutnim u poslovanju Društva*

### Interne kontrole

Mi smo odgovorni za sastavljanje (konceptiju, implementaciju, održavanje i poboljšavanje) adekvatnog sistema internih kontrola u skladu s članom 11. Zakona o računovodstvu i reviziji u FBiH.

Pod sistemom internih kontrola podrazumijevamo proces kroz koji nadzire i kontroliše:

- ✓ *Efikasnost i efektivnost operativnih aktivnosti (ovo uključuje zaštitu imovine od gubitaka uzrokovanih štetama ili malverzacijama),*
- ✓ *Pouzdanost financijskog izvještavanja i*
- ✓ *Pridržavanje za Društvo bitnih zakonskih propisa kako bi se spriječilo da se ne postignu ciljevi poslovanja ako bi nastali poslovni rizici.*

Nije bilo, niti trenutno postoje značajni nedostaci u internim kontrolama.

U skladu s primjenjivim sistemom internih kontrola implementirali smo odgovarajuće mjere da spriječimo i otkrijemo eventualne nezakonite radnje zaposlenih.

Izvijestili smo Vas o rezultatima procjene rizika da finansijski izvještaji i Godišnji izvještaj o poslovanju mogu sadržavati značajne pogreške uslijed namjernih pogrešnih prikazivanja.

Nismo svjesni postojanja nezakonitih radnji u Društvu naročito onih koje se odnose na pravne zastupnike Društva i druge izvršne uposlenike, uposlenike koji imaju ključnu ulogu u sistemu internih kontrola, i drugih osoba čije nezakonite radnje mogu imati značajan utjecaj na finansijske izvještaje Društva.

### Potpunost danih informacija

Na uvid su Vam dani svi zapisi, dokumenti i informacije o neobičnim događajima s kojima je Uprava bila upoznata, kao i sve ostale informacije koje su bitne za reviziju finansijskih izvještaja.

Obezbijedili smo Vam uvid u imena svih banaka s kojima je Društvo u toku godine imalo poslovne veze, kao uvid u sva stanja na transakcijskim računima Društva.

Na raspolaganje smo Vam dali sve zapisnike sa sastanaka Uprave Društva.

Mi potvrđujemo da moguće neispravljene pogreške nisu značajne u odnosu na ukupne finansijske izvještaje Društva.

Direktor:

Indira Kovačević

## **IZVJEŠTAJ NEOVISNOG REVIZORA UPRAVI ZU „APOTEKA“ SANSKI MOST**

### **MIŠLJENJE**

Obavili smo reviziju priloženih finansijskih izvještaja društva **ZU „APOTEKA“ SANSKI MOST** (dalje u tekstu: Društvo), koji obuhvataju Bilans stanja na dan 31. decembar 2022., Izvještaj o ostaloj sveobuhvatnoj dobiti, promjenama kapitala, i gotovinskom toku za godinu tada završenu, te Bilješke uz finansijske izvještaje.

Prema našem mišljenju, finansijski izvještaji prikazuju realno i objektivno, u svim svojim aspektima svojim finansijski položaj društva na dan 31.12.2022 godine, rezultate njegovog poslovanja i novčane tokove za godinu koja je tada završila u skladu sa Međunarodnim standardima finansijskog izvještavanja.

### **ODGOVORNOST UPRAVE ZA FINACIJSKE IZVJEŠTAJE**

Uprava Društva je odgovorna za sastavljanje, ispravnost i primjerenost oblika i sadržaja finansijskih izvještaja i drugih informacija u skladu sa Međunarodnim Standardima Finansijskog Izvještavanja (MSFI) i za one interne kontrole za koje Uprava Društva odredi da su potrebne za omogućavanje sastavljanja finansijskih izvještaja koji su bez značajnog pogrešnog prikazivanja uslijed prijevare ili pogreške.

### **ODGOVORNOST REVIZORA**

Naša je odgovornost je izraziti mišljenje o ovim finansijskim izvještajima na osnovu naše revizije. Reviziju smo obavili u skladu s Međunarodnim revizijskim standardima koji nalažu pridržavanje etičkih pravila od strane revizora, te planiranje i provođenje revizije kako bi se s razumnom mjerom sigurnosti utvrdilo da su finansijski izvještaji bez materijalno značajnih pogrešnih prikazivanja. Revizija uključuje provođenje procedura u svrhu pribavljanja revizijskih dokaza o iznosima i objavama prikazanim u finansijskim izvještajima. Odabir procedura ovisi o prosudbi revizora, uključujući i procjenu rizika materijalno značajnih pogrešnih prikazivanja u finansijskim izvještajima koje mogu nastati kao posljedica prijevare ili pogreške. U procjenjivanju tih rizika revizor razmatra interne kontrole relevantne za subjektovo sastavljanje i objektivni prikaz finansijskih izvještaja u skladu s postojećim okolnostima, a ne u svrhu izražavanja mišljenja o učinkovitosti internih kontrola subjekta.

Revizija isto tako uključuje ocjenu primjerenosti primijenjenih računovodstvenih politika, razumnost računovodstvenih procjena koje je definirala uprava kao i ocjenu cjelokupnog prikaza finansijskih izvještaja.

#### KLJUČNA REVIZORSKA PITANJA

Ključna revizijska pitanja su ona pitanja koja su bila, po našoj profesionalnoj prosudbi, od najveće važnosti za obavljenju reviziju finansijskih izvještaja tekuće godine. Tim pitanjima smo se bavili u kontekstu naše revizije finansijskih izvještaja kao cjeline i pri formiranju našeg mišljenja o njima, mi ne dajemo posebno mišljenje o tim pitanjima. Odredili smo da ključno revizorsko mišljenje obuhvata iznos zaliha u maloprodajnim objektima.

Tokom 2022 godine Društvo je povećalo zalihe trgovačke robe a kako je revizorski angažman uslijedio nakon obavljenog popisa trgovačke nismo bili u mogućnosti uvjeriti se u tačnost iste . Tokom naše revizije nismo bili u mogućnosti pribaviti dovoljne i primjerene revizijske dokaze kako bismo se uvjerali u utjecaje koje bi bilo potrebno iskazati u finansijskim izvještajima. U skladu s tim, nismo se mogli uvjeriti jesu li, i u kojem iznosu potrebne ispravke iz navedenog osnova, kao i njihov utjecaj na finansijski rezultat. Obavili smo našu reviziju u skladu s Međunarodnim Standardima Finansijskog Izvještavanja. Naše odgovornosti prema tim standardima su detaljnije opisane u našem izvještaju u dijelu Odgovornosti revizora za reviziju finansijskih izvještaja. Neovisni smo od Društva u skladu s Kodeksom etike za profesionalne računovodje Odbora za međunarodne standarde etike za računovodje ( IESBA Kodeks )

#### OSTALE ČINJENICE

Reviziju finansijskih izvještaja za 2021 godinu radilo je društvo za reviziju i računovodstvo „Remes“ d.o.o. Bihać i izrazilo nemodifikovano mišljenje o tim izvještajima. Angažirani partner na izradi revizorskog izvještaja je ovlašteni revizor Bates Davor.

*Remes d.o.o. Bihać*

M.Maka Dizdara 6/2, Bihać  
Bihać, 22.03.2023.godine

dipl.ecc.Ljiljana Mehić  
Ovlašteni revizor  
Broj licence: 3011128224



Mehić Emir  
direktor